

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
OPĆINA MAGLAJ
OPĆINSKO VIJEĆE



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MUNICIPAL COUNCIL

Služba Općinskog načelnika i
Općinskog vijeća

Broj: 02-04-2-885/21

Datum, 18.05.2021. godine

Z A P I S N I K

sa 5. redovne sjednice Općinskog vijeća Maglaj
održane dana 18.05.2021. godine u 9:00 sati u kino sali
JU Dom kulture «Edhem Mulabdić» Maglaj

Predsjedavajuća Svjetlana Zamboni-Radovanović, na osnovu člana 59. Poslovnika o radu Općinskog vijeća Maglaj, zaključaka Kolegija od 10.05.2021. godine, te Programa rada Općinskog vijeća otvaram 5. redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih stranaka SDP, SDA, A-SDA, SBB, DF, HDZ i NBL. Poziv za sjednicu i materijali dostavljeni su OSCE-ovom terenskom uredu u Travnik i sredstvima informisanja koji prate rad današnje sjednice. Pozvan je načelnik općine, rukovodioci općinskih Službi, općinska pravobraniteljica, kao i predstavnici čiji materijali će biti razmatrani na današnjoj sjednici Općinskog vijeća.

Na sjednicu su također pozvani zastupnik u Domu naroda gospodin Jasminko Kapić i zastupnica u Skupštini Zeničko-dobojskog kantona gospođa Emira Drnda-Čičeklić.

Sve vas srdačno pozdravljam i pozivam da svako na sebi svojstven način, odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata.

Zamolila bih predstavnicu Službe Načelnika općine i Općinskog vijeća da prozivkom utvrdimo broj prisutnih vijećnika na 5. redovnoj sjednici Općinskog vijeća Maglaj.

Današnjoj sjednici Općinskog vijeća prisustvuje **25 vijećnika**.

Konstatujem da Općinsko vijeće može punovažno raditi i odlučivati i donositi odluke, zaključke i rješenja čime je ispoštovan član 88. Poslovnika o radu Općinskog vijeća Maglaj.

Na današnjoj sjednici potrebno je izvršiti verifikaciju zapisnika 4. redovne sjednice Općinskog vijeća. Da li ima primjedbi na zapisnik?

Vijećnik Hajrudin Ferić, pozdravljam i rukovodstvo Vijeća i vijećnike i goste. Želim nam danas efikasan rad. Jedna kratka intervencija. Naime, u zapisniku sa 4. redovne sjednice nisu zabilježena dva vijećnička pitanja i jedna inicijativa koje sam pismenim putem dostavio, dakle u onom terminu predviđenom za vijećnička pitanja i inicijativa. Ona su između ostalog, inicijativa da se prvom komadantu TO Maglaj, dugogodišnjem predsjedniku Patriotske lige i da sad ne prepričavam dalje, kroz prethodnu javnu debatu i učešće nadležne vijećničke Komisije dodijeli naziv ulice ili kroz drugo spomen obilježje sačuva sjećanje na Sulejmana Hercega. Pitanje, da li postoji registar kulturno-historijskih spomen obilježja i vrijednosti na području općine Maglaj i drugo pitanje odnosilo se na video nadzor. Dakle, Vama sam dostavio, a nije bilo zabilježeno. Molim da se registruje.

Predsjedavajuća Svjetlana Zamboni-Radovanović, hvala. Da li ima još primjedbi na zapisnik? Uvažavajući primjedbu iznesenu od vijećnika Ferića, da se uvrsti naknadno u zapisnik i ispravi ova pogreška, ko je za?

GLASALO ZA: Elvir Arnautović, Mirza Bradarić, Fikret Delić, Jasmin Đuhara, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Elvir Vehabović (NBL), Pero Mamić (HDZ), Adis Abdurahmanović, Jasmin Begić, Mirsad Bejić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

Predsjedavajuća Svjetlana Zamboni-Radovanović, konstatujem da je jednoglasno verificiran zapisnik sa 4. redovne sjednice Općinskog vijeća. Otvaram raspravu po pitanju dnevnog reda. Ima li prijedloga za proširenje ili neka primjedba? Nema. Uredu, pročitat ću dnevni red.

DNEVNI RED

- 1. Izvještaj o radu Jedinog organa uprave Općina Maglaj za period 01.01.-31.12.2020.godine;**
- 2. Izvještaj o radu Općinskog pravobranilaštva za 2020.godinu;**
- 3. Informacija o radu Općinskog vijeća Maglaj za 2020.godinu;**
- 4.**
 - a) Izvještaj o radu OIK za 2020.godinu;**
 - b) Program rada OIK za 2021.godinu;**
- 5. Periodični finansijski izvještaj Budžeta/Proračuna Općine Maglaj za period 01.01. – 31.03.2021.godine;**
- 6. Odluka o izmjeni Odluke o utvrđivanju platnih razreda i koficijenata za plaće, dodatka na plaću, naknada plaće izabranih dužnosnika, nosioca izvršnih funkcija i savjetnika, državnih službenika i namještenika Općine Maglaj;**
- 7. Nacrt Odluke o naknadi troškova izdavanja urbanističke i građevinske dokumentacije;**
- 8. Prijedlog Odluke o usvajanju djelimične Izmjene Regulacionog plana “Centar Maglaj-sjeverni dio” po zahtjevu “EURO MEAT” doo Maglaj;**

9. Nacrt Odluke o usvajanju djelimične izmjene Regulacionog plana “Centar Maglaj – južni dio” po zahtjevu “Alu Wood Inžinjeri” doo Maglaj;
10. Prijedlog Odluke o pristupanju djelimičnoj Izmjeni Regulacionog plana “STARI GRAD” Maglaj po zahtjevu Lokmić Enise;
11. Prijedlog Odluke o pristupanju djelimičnoj Izmjeni Regulacionog plana “Centar Maglaj – južni dio”;
12. Rješenje o razrješenju i imenovanju novog člana Komisije za dodjelu javnih priznanja;
13. Izvještaj o realizaciji programa održavanja javne higijene sa finansijskim pokazateljima za 2020.godinu;
14. Izvještaj o realizaciji programa održavanja javnog zelenila sa finansijskim pokazateljima za 2020.godinu;
15. Izvještaj o realizaciji zbrinjavanja pasa lutilica sa finansijskim pokazateljima za 2020.godinu;
16. Izvještaj o održavanju i sanaciji javne rasvjete sa finansijskim pokazateljima;
17. Informacija o provedbi Odluke o dodjeli poslovnih prostorija udruženjima građana i humanitarnim organizacijama na teritoriji općine Maglaj;
18. Informacija o radu boračkih udruženja sa finansijskim izvještajem o utrošku sredstava dodjeljenih iz Budžeta Općine Maglaj (kroz izvještaje o radu za 2020 i planove rada za 2021.godinu);

Vijećnička pitanja i inicijative.

Ko je za?

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Elvir Vehabović (NBL), Pero Mamić (HDZ), Adis Abdurahmanović, Jasmin Begić, Mirsad Bejić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

1. Izvještaj o radu Jedinog organa uprave Općina Maglaj za period 01.01.-31.12.2020.godine;

Otvaram raspravu.

Vijećnik Maid Suljaković, iskoristio bih priliku da poselamim i pozdravim sve prisutne. Klub vijećnika SDA smatra da je ponuđeni Izvještaj o radu Jedinog organa uprave Općina Maglaj urađen jako nekvalitetno. Pored svih nabrojanih aktivnosti, nigdje ne vidimo rezultat, finansijski rezultat ili neku od koristi za našu općinu. Aktivnosti su taksativno nabrojane, međutim nigdje nije navedena svrha istih. Vidljivo je da između pojedinih aktivnosti, imamo jako veliki razmak. Konkretno, zanima nas šta je sa projektom centralnog grijanja, jer je ovdje spomenut sastanak sa predstavnicima Češke razvojne agencije, međutim rezultati tog sastanka nisu vidljivi ili i ne postoje?! Centralno grijanje je nešto na čemu se i

temeljila kampanja 2016.godine i da li je moguće da nakon pet godina apsolutne vladavine to pitanje i dalje nije riješeno?! Vidimo da su posjete Općini Maglaj bile isključivo ceremonijalnog karaktera, a posjete načelnika su bile isključivo turističkog karaktera i građanima Maglaja su donijele samo trošak, što se vidi iz stavke dnevnica. Iz pregleda apliciranih i realiziranih projekata, očigledno je da je Općina Maglaj najmanje finansirala projekte u Maglaju, a i ono malo utrošenih sredstava za realizaciju utrošeno je za vrijeme predizborne kampanje. Što se tiče rada pojedinih Službi, naglasit ćemo da je Štab civilne zaštite u borbi sa pandemijom pokazao neprofesionalan odnos. Sama činjenica da se nije imenovao povjerenik Štaba civilne zaštite, što je bila i zakonska obaveza, izazvalo je veliko nepovjerenje kod građana, a što je uzrokovalo bilježenje ogromnog broja oboljelih na području općine Maglaj. U borbi sa pandemijom, Civilna zaštita nije imala nikakav program djelovanja, što je na jednoj od sjednica 2020.godine potvrdio i šef Službe gospodin Anto Maglica. Dakle, radilo se o pukim improvizacijama. Kada je u pitanju Služba za privredu i finansije, vidimo da nijedan od ozbiljnijih međunarodnih fondova iz kojih se finansiraju različiti projekti u smislu pomoći privredi ili nekoj od drugih grana nije realizovana na području općine Maglaj. U ovom dokumentu su navođeni različiti sastanci s predstavnicima međunarodnih fondova, Europske komisije, USAID itd. Međutim jasno je da ti projekti nisu realizovani. Kada je u pitanju poljoprivreda, poljoprivredni proizvođači nisu ispoštovani u onoj mjeri kojoj su trebali biti. Sva sredstva u poljoprivrednoj proizvodnji su pristizala iz budžeta Kantona i FBiH, međutim Općina Maglaj ni ta sredstva nije znala utrošiti pa su u značajnom iznosu vraćena nadležnim ministarstvima. Služba je ta koja je trebala animirati da se što više ljudi prijavi za poticaje i da se osigura da ta sredstva ostanu u Maglaju. Također, kada je u pitanju briga o boračkoj populaciji, sredstva također dolaze iz Kantona i FBiH, dok su se jednokratne pomoći dijelile prema stranačkoj pripadnosti. Već nekoliko sjednica, Klub vijećnika SDA je kroz vijećnička pitanja tražio informaciju o dobitnicima jednokratnih novčanih pomoći, međutim Služba nikad nije dala odgovor. Moramo izraziti negodovanje što u oblasti nauke, kulture i sporta nisu podržavane aktivnosti i udruženje umjetnika koji nisu pod ingerencijom aktuelne vlasti, dok su podržani projekti stranaca i onih koji se ne tiču direktno naše općine. Stoga će Klub vijećnika SDA biti protiv ovog.

Načelnik općine Mirsad Mahmutagić, sve vas srdačno selamim i pozdravljam. Želim da današnja sjednica bude okončana u što razumnijem vremenskom periodu. Ne znam, evo prozvali ste me, nemam potrebe ništa da repliciram. Ovo su stvari opozicije, ovo su gluposti, mogu pričati šta hoće. Imate Izvještaj svake aktivnosti, prema tome, Izvještaj ste dobijali, Izvještaj imate danas na dnevnom redu, ovo je Izvještaj o radu. Slušajući primjedbe učinilo mi se da govorite o 2014-2015. godini. Hvala.

Vijećnik Jasmin Begić-replika, ja vas sve selamim i pozdravljam. Opozicija ne priča gluposti. Ovo što smo iznijeli su argumenti. Mi pratimo svakikorak, svaki fening ove naše Općine gdje se utroši. Sve što je navedeno je tako. Jeste pratili u Sloveniji je bio načelnik. Pandemija je imala i pozitivne strane, a to je da su smanjeni troškovi dnevnica našeg načelnika u inostranstvu. Tako da je naš načelnik bio gost nekom seminaru radio-amatera u Sloveniji. Ako ste pratili to je jedno selo u Sloveniji. Ni lokalni portal nije popratio da je naš načelnik bio u selu. Imate slike na internetu, pogledajte. Cilj posjeta je bio turistički, šta je ovdje uradilo plodom? Ništa. Civilna zaštita. Sami smo vam govorili u doba pandemije da mora se po zakonu imenovati povjerenici kvartova i mjesnih zajednica Civilne zaštite. To je

zakon rekao, ne opozicija. Nijednog povjerenika nema. To je eskaliralo brojnim zaraženim. Da je neko drugi ovdje, to je krivična prijava. Mi ovdje prvo upozorimo na protuzakonite radnje, a najvjerovatnije kako je krenulo morat će prijave. Ne poštujete zakon. Zna se ko je odgovoran. Naš načelnik po automatizmu je komandant Civilne zaštite. Toliko.

Načelnik općine Mirsad Mahmutagić, popularna priča o dnevnicama. Provjerite dnevnicu ovog načelnika 2016-2020.godina i provjerite gdje je bio. Provjerite dnevnicu prethodnog načelnika. Provjerite stavku sa koje se kupovalo u pojedinim firmama u Maglaju da se obuče. Provjerite to, pa vidite kako je radio načelnik taj, kako radi ovaj. Ja znam mentalitet i mentalni sklop vijećnika Begića, tako da može izaći i izvaliti ovakvu glupost. Bio u jednom selu, nije niko objavio. Prvo ste, dakle nepismeni. Provjerite na portalima, provjerite na našim portalima pa ćete vidjeti. Rezultiralo je tome da smo ušli u mrežu sistema upozoravanja zajedno sa slovenačkom civilnom zaštitom, gdje smo završili projekat i realizovali ga, gdje smo uvezani unutar BiH i izvan BiH. To se samo trebate malo informisati. Što se tiče ovog načelnika, ovaj načelnik ima otvorena vrata i na zapadu. Provjerite gdje je išao bivši načelnik i provjerite s kim je išao bivši načelnik. Pričate o poljoprivredi, pa prošle sedmice ste imali, provjerite koliko ste vi kao vlast ulagali u poljoprivredu, koliko ova vlast, pa provjerite da li je ikada poljoprivreda dobila više sredstava nego što je to bilo u 2020. Malo seokanite para viših nivoa, nisu to pare SDA. To su naše pare, mi plaćamo poreze, ide od vrha do Općine. Općina najmanje dobije. Nemojte, poklopite se kad pričate o pandemijskom, o organizaciji Civilne zaštite. Pa znate li da je vaša partija ta koja je vodila i civilne zaštite, znate da se sudi direktoru Civilne zaštite, znate li za kriminal milionski koji imate i o čemu pričate. Onda dođete ovdje da kažete vratite se pare s viših nivoa? Ako je sve urađeno kako treba, ne pita se samo Općine u pojedinim segmentima. Tamo gdje se pita nas, mi svoj dio odradili fantastično. Znaju to i poljoprivrednici, pitajte ih i sami. Kad ste već kod poljoprivrednika, objasnite Vijeću i sugrađanima kako vam premijer dođe i obiđe Maglaj, posjeti Žepče i Tešanj, a ono što je bio u Maglaju nije ni znao da je u Maglaju. Pitajte to Galijaševića što organizuje. Otišao čovjek, ja uvažavam gospodina Karimovića koji ima farmu i treba posjetiti, gdje su ostali farmeri iz Maglaja i šta je tim farmerima se pomoglo? Šta je obećano? Da se vratim na Civilnu zaštitu. Vi govorite o Civilnoj zaštiti? Civilna zaštita kriva za veliki broj oboljelih, pa ne mogu vjerovati da može biti jedna takva inteligencija?!

Predsjedavajuća Svjetlana Zamboni-Radovanović, stvarno nisam imala namjeru da se javljam iz jednog prostog razloga. O radu administracije Jedinog Organa uprave mislim da je vrlo jasno bilo u novembru. Građani su rekli jasno koliko su zadovoljni radom ove administracije, koliko su zadovoljni radom ovog Vijeća. Jasno i glasno, rječju imenom i prezimenom. Dakle onom kome mi odgovaramo to su građani. Lijepo je upozoravati ih na način na koji vi to kažete, oni to sve uzmu u obzir. Al mislim da su građani jasno, glasno i poljoprivrednici i oboljeli i zdravi rekli kako doživljavaju ovu vlast, ovo Vijeće i načelnika. Hvala.

Vijećnik Eldis Kusur, sve vas selamim i pozdravljam. Mislim, jesu rekli, građani su rekli u novembru i tako je kako jest. Mi poštujemo volju građana, načelnik je izabran. Građani su rekli da je to taj načelnik i ja sam čestitao. Međutim, nije mi jasno, već je 5.sjednica Općinskog vijeća, kad se ovdje nešto iznese, mi smo opozicija i imamo pravo da pričamo. Ukoliko naše diskusije nisu utemeljene, evo gospodin načelnik je iznijeo, ali na takav način, konstrukcije glupi i tako dalje, mislim načelnice nije korektno da takvim žargonom i

dijalektom govorite. Ipak smo i mi, nas devet izabrani ispred građana. Dakle, devet, vlasti je više, ima vas šesnaest sa koalicionim partnerima. Mi smo ovdje i nećemo biti ćutljivci. Ako je neko ovdje nekom potparol, nama je žao, mi se uključujemo maksimalno, radimo ozbiljno. Građani su dali povjerenje nas devet, Vama građani dali povjerenje, Vi ste načelnik. Ali mi je smiješno, 5.sjednica Općinskog vijeća, Vi kao malo dijete, odmah se nešto naljutite. Imate li kao profesionalac da nas ne nazivate tako pogrдно. Sjećate se 2004-2008. godine, nikada Vas gospodin Mustabašić kao vijećnika nije nazvao takvim pogrđnim stvarima, ali ste bili zaista dobar vijećnik, ali upadni s govornice. Mi smo male mace, kakvi ste Vi bili ovdje. Mi ćemo govoriti, ne možete nam zabraniti da pričamo, ako se ne slažete, replicirajte, ali nemate pravo da nas nazivate glupim.

Načelnik općine Mirsad Mahmutagić, vidite vijećniče Kusur, ja ovdje nikom nisam rekao da je glupan, ali se ovdje iznose gluposti. Je li mislite glupost treba nazvati nekako drugačije, nego glupost. Sve ima svoje ime. Glupost se zove glupost, a navaljate ih. Niko vam ne zabranjuje da govorite. Govorite, opozicija ste i govorite, predstavljajte građane. Ali predstavljajte građane. Manite političke partije za obrušavanje svega. Predstavljajte onako kako ste rekli građanima. Ja nisam prijetio niti prijetim ikom. A u mandatu mom vijećničkom, tri godine, bilo je priječeno. Bili ste vijećnik kada je sadašnjem vijećniku Mujkanoviću priječeno da će dobiti otkaz jer je vijećnik. Da li sam ja ikom ko je bio vijećnik, a bilo ih je u Općini, ikada prijetio otkazom? Kad se iznose neistine, onda se kaže da je neistina ili laž. Ja neću šutiti na laž i gluposti. Zašto bih ćutio? Zašto da šutim kad govorite o Civilnoj zaštiti? To je vaša Civilna zaštita. Nisam je ja sklepaio. Sklepala je prethodna vlast. To je ona Civilna zaštita koja 2014.godine nije svirala opću opasnost. Ili ono ko je rekao, odmarajte, bit će to sve dobro, pa smo vidjeli kako nam je bilo. Nemam ništa protiv, slobodno pričajte. Ali na svaku laž i glupost ću reagovati, nemojte očekivati da šutim na to.

Vijećnik Arif Mujkanović, isto ću se obratiti kolegi Eldisu. Ponovit ću načelnikove riječi. Ne zamjeri se kolega onome šta kaže, nego ko kaže. Ja Vama zamjerim, jer Vi znate šta pričate. Oni koji ne znaju, oke, međutim prijetnje sa krivičnim prijavama. Pa bilo je prijetnji, krivične prijave su dolazile na adresu načelnika, direktora Doma zdravlja. Neko je podnio. Kako su završile? Zamjerim onima koji znaju, zato mislim da nije korektno. Što se tiče Civilne zaštite, samo se sjetite da je u vrijeme pandemije izvršila podjelu preko 100 hiljada maski, a prethodni saziv je htio to da baci. Statistički gledano, ako se gleda pošteno i dobronamjerno, Maglaj je bio sa najmanje zaraženih. Izlazili smo sa tačnim podacima, nismo zataškavali. Pojedine firme koje se navodile na društvenim mrežama, uzor firme, vidjeli smo da su u Tešnju bile pred kolapsom. Zamolio bih Vas i pitajte zašto, stojim iza svake svoje riječi. Podnosite prijave, ali nemojte prijetnjama da se radi nešto nezakonito. Ne radi se ništa nezakonito. Bilo je prijava i bit će ih opet.

Vijećnik Jasmin Begić, upravu ste. Građani su rekli, al je žalosno što je čitava izborna kampanja finansirana iz Budžeta. To smo jasno i glasno rekli u izvršenju Budžeta za 2020.godinu. Sve što smo naveli je istina. Ovo za dnevnicе prošlog načelnika, zar je moguće da se konstantno vraćamo u 2016.godinu i kompariramo sa prošlom vlašću. Jesmo ikad odmakeli od 2016.godine. Oke, narod je izabrao Vas da bude drugačije. Radite iste stvari. Asfaltirali ste gdje god ste stigli. Ulična rasvjeta je rađena bez projekta, gdje su ljudi radili poslije 15,00 sati, stavljali po štangama po Kopicama. Samo da se dobije jedan glas više. I druga stvar sve što smo naveli za Sloveniju, koji su portali to prenijeli? Našao sam to i da je

Mekso 30% uzimao manje dnevnica od ovog. Komparirao sam i rekao da pandemija ima i pozitivne stvari.

Načelnik općine Mirsad Mahmutagić-ispravka krivog navoda, evo vidite vijećniče Kusus, kako ostati na mjestu i slušati laži. Vidite brutalne laži. Rađena rasvjeta bez projekata. To um Jasmina Begića može podnijeti i tako reći. Objasnite vi meni kako se priključi mjerno mjesto kod Elektrodistribucije bez upotrebne dozvole, građevinske dozvole? Ne možete nijedan objekat bez dozvole priključiti na elektro mrežu. I onda da ste imalo korektni, dovoljno znani, provjerilibiste u Općini. Ja neću odgovoriti u Kopicama. Gdje ste stavljali? Ima i u žitu jel da. Rađeno u Kopicama bez dozvole ono što ste vi radili u kampanji. To ćemo i skinuti. Što se tiče dnevnica. Dakle, ja nisam vodio predsjednika partije nigdje na putovanja. Gdje god sam išao po pozivu i sa obavezom, spreman sam za to da odgovaram. Često vam je polemika reprezentacija. Vi ste facebook ratnici i kažete evo ga načelnik pojeo i popio 15 i 20 hiljada. Nemate pojma šta se plaća iz reprezentacije. Onda kad kažete laž i glupost, onda ću i ja izaći i reći što imam. Dnevnice ne pravi samo načelnik, nego i uposleni. Jadna je Općina u kojoj službenici ne putuju, ne idu na edukacije, sastanke i slično. Jadan je načelnik koji ne može izaći iz svoje općine.

Vijećnik Adis Abdurahmanović, ja ću poselamiti i pozdraviti prisutne. Naslušali smo se svega. Ja ću se vratiti na materijal. Gledat ću ovdje da budem korektan, lično ovdje da nikog ne uvrijedim, imenom i prezimenom. Ipak srećemo se mi u ovom gradu i nikada ne znamo kada ćemo jedan drugom pomoći. Međutim, načelnice ja Vas cijenim i poštujem i poštujem volju građana, ali međutim evo vratit ću se na izlaganje kolege Maida. Ne možete na ovo što smo iznijeli reći, ipak smo mi par sati bili na Klubu vijećnika, pet-šest sati se pripremali i zaista ima ovo smisla što je kolega iznio. I ne možete svaki puta kada ne želite da nam odgovorite ili nemate odgovor vratiti se, ja sam se evo petu-šestu godinu naslušao i pitam se evo dok ste odgovarali, replicirali Maidu, pitam se do kad ćemo spominjati bivšu vlast, Hajde da pričamo o ovom mandatu, evo konkretno iz materijala. Prva aktivnost 20.01.2020.godine Česi, centralno grijanje. Svi smo mi 2016.godine jedva čekali to i bilo najavljivano, nećemo se vraćati u obećanja, ovo je Izvještaj, nabrojane su sve aktivnosti. Imamo li u ovoj godini je li se nešto konkretno učinilo? Drugo, od silnih ovih sastanaka koliko je konkretno općina Maglaj vidjela u 2020.godini, ako ne u toj, imamo li nekih naznaka da će biti u 2021.godini? Sada da ne nabrajam, konkretno, pitam se prateći općinu Tešanj, vidim da UNDP i TIKa konstantno učestvuju, kod nas ih nema. Dođu, posjede, al ništa više. U realizaciji ih nema, pušteni smo da radimo projekte koje.. Tačno rekli ste novac iz Kantona je novac građana, kao i Budžet Općine Maglaj. Spušteni smo da realizujemo iz sredstava Kantona i Općine. Šta je konkretno s tim organizacijama?

Načelnik općine Mirsad Mahmutagić, prvo ovako da se vratimo na Čehe i pitanje centralnog grijanja. Ja se ne sjećam da sam nekad rekao da je to propalo. Trebate se vratiti samo na prošlu godinu kada je započela priča sa Češkom razvojnom agencijom, objavljivanje tendera. Dobili ste tu informaciju i onda je nastupila pandemija. Znao kako je bilo kod nas, kako u Češkoj. Mislim da su Češka i Mađarska najgore u Evropi i ne očekujte u ovakvoj krizi da neko u Češkoj trči za BiH, Maglajem ili bilo kim. Ali vođene su određene aktivnosti, informisao sam i onaj saziv Vijeća da su se najavili negdje krajem augusta da će doći njihovi stručnjaci i do dana danas nisu došli. Vi znate šta se desilo početkom septembra u Češkoj, da je to eskaliralo na sve strane. Do danas nisu došli i ne znamo još kada će doći, imaju svoje

prioritete. Ali nije završeno, nismo prekinuli s njima kontakt niti saradnju. Gospodin Bešlagić redovno u ime Službe u kontaktu. Kada se steknu uslovi, doći će. Ali da vam ponovim još jednom, pogrešno prezentirate. Česi su uzeli na sebe da urade i Studiju opravdanosti i projektnu dokumentaciju i onda ako je to samoodrživo, može se ići dalje u investiranje, dalje u investiranje i Fond za zaštitu okoliša. Česi su zainteresovani za tehnološku opremu i inženjering, a da se sa strane Općine i drugih institucija dio građevinski. Pandemija je nešto što je zahvatilo svijet, ne Maglaj, nego svijet. Stalo je svugdje. Pitate UNDP i TiKA, gdje su. Ima ih, bili su i u 2020.godini imate u informaciji. Nema UNDP-a, ima rade kuće, izgradnja i sanacije. S TIKOM radimo projekat rekonstrukcije Starog grada. Ali nemojte sutra reći načelnik obeća, pa nije završio. Razgovaramo s njima oko toga, odradili idejni projekat, poslali premjere u centralu TIKE, povezali se s našim ljudima. TIKA, poremećaj odnosa turske lire i dolara već utiče na stanje investiranja TIKE u svijetu, a imaju 52 centrale u svijetu. Imamo mi međunarodnih organizacija, dobijate informacije, koje su od humanitarnog karaktera do projektnih aktivnosti i imamo u najavu određenih projekata. Nema običaj bacati nešto unaprijed dok ne bude 100% sigurno. Što se tiče novca, pa ne znam šta očekujete, Izvještaj o radu Službi i načelnika, imali ste Budžet prošlu sjednicu. Imali ste tamo sve stavke o prihodima i rashodima, jel neko zadovoljan ili nije. To je subjektivna stvar. Onakva kakva je situacija bila, ja sam zadovoljan. Zadovoljan sam i projektima. Ne stoji vam priča novac predizborne kampanje. Općina je najviše sredstava i uložila 2019.godine, tada nisu bili izbori. Pa nisam ja kampanju vodio 11.novembra 2016.godine kad sam asfaltirao put za Natron. Nije bilo kampanje, to je bilo poslije kampanje. Ne radi se o kampanji, radi se o planovima i programima koji se ovdje usvoje. Imali ste Plan kapitalnih investicija. Nije realizovan u onom iznosu, jer smo početkom godine imali nepunih 9 miliona KM, a realizaciju sa 7 miliona i nešto. To je razlika. Sve imate u planovima. Donijeli smo Plan kapitalnih investicija. I za sve planove imate izvještaje i sve što postavite dilemu oko finansija imate sve u materijalima i tačkama koje su prošle pored vas.

Vijećnik Mustafa Bešić, sve vas selamim i pozdravljam. Ovdje ću se malo dotaći kolege vezano za poljoprivredu. Što se tiče poljoprivrede i poticaja, sigurno smo digli za 50%, popravili stanje poticaja na općini Maglaj. Ono što me dotaklo. Prije par dana nam je dolazio premijer u vrijeme ramazana. Nisam mogao vjerovati kad sam gledao na televiziji. Jel moguće da mi na općini Maglaj nemamo nijednog velikog farmera, poljoprivrednog proizvođača? Jel moguće da je to Maglaj koji je platio cijenu sa 550 boraca? Da nas obidu ljudi s vrha, kao ništa politički, molio bi da mi ko odgovori. Jel moguće da u Brezove dane dovodi se načelnik iz druge općine? Jel premijer upoznat da je to općina Maglaj? Ništa nemam protiv ljudi, povratnika u tom kraju hrvatske nacionalnosti. 300 hiljada se daje jednom čovjeku. Od 5 hiljada Bošnjaka na novošeherskom kraju niko ne zaslužuje, da ga obide, ne mora mu ništa dati, jel moguće? Šta me još potaklo? Dvije trafo stanice se rade, jedna u Žepču, jedna u Tešnju. Pa dragi Bože, novošeherski kraj ima problema a napajanjem električne energije. 20 godina se mučimo, ne znamo čiji smo. Imamo dvije elektro HZHB i Elektroprivredu BiH. Imamo problem.

Vijećnik Safet Jašić, prekinite ovo nema veze s tačkom.

Vijećnik Mustafa Bešić, ovo nema veze s tačkom?

Predsjedavajuća Svjetlana Zamboni-Radovanović, prekinite Safete s mjesta govoriti. Javite se za riječ.

Vijećnik Mustafa Bešić, pitam jel moguće da nas toliko obilaze. Ja sam 100 puta slao dopise i tražio da se riješi pitanje. Igrom slučaja za Bajram smo imali struje. Niko da nam to riješi. Stvarno ovo sa zrelom namjerom govorim, Boga mi, Allaha mi. Jedan čovjek sebi tolike ljude dovesti s druge općine. Čuj iz Žepča. Eto Allaha mi imam najbolju namjeru.

Vijećnik Eldis Kusur, drago mi je što je načelnik na fin način odgovorio kolegi Adisu. Konkretno, ja ću postaviti pitanje načelniku. Svaki zaseok, mjesto treba da ima uličnu rasvjetu. Mora imati. Građani u nekom zaseoku moraju imati isti status kao drugi građani. Ovo što se radi u zadnje vrijeme, to je fin potez, da svako ima uličnu rasvjetu. Svjedoci i sudionici smo da u naseljenim mjestima građani učestvuju sa svojim doprinosima da se uradi javna rasvjeta, dok imamo sredina gdje ljudi ne učestvuju ni marke. I to je pohvalno. Moramo imati isti status, svi građani. Jesu li sijalice postavljene legalno ili ne. U jeku kampanje, bilo je prijava od strana građana da ljudi nelegalno postavljaju sijalice, zaposlenici Elektrodistribucije. Kako su sijalice postavljanje, legalno ili nelegalno, ali treba da budu. Sve se treba legalizovati. Sve javne rasvjete pa to je ljepota pogledati. Sve svijetli, ljepota je. Ali da ima nelegalnih postavljanja rasvjeta po podobnosti i željama, to treba priznati i neka i to. Takav je sistem naš. Ako ne može ništa dobiti legalno, pa neka dobije ovako. Nadovezat ću se na diskusiju kolege Bešića. Nije mi samo jasno što god smo predložili, zar nema konkretan fin prijedlog. Vi ste većina, ima vas i vi jedostavno, nas 9 i primjetimo kad nešto predložimo, bude podsmjeha. Znaete da ima prijedloga dobrih, imate mišiće, al imamo i mi. Mi ćemo se boriti. Ovo što je uradio federalni premijer, što je obišao Tešanj i Žepče, trebao je skrenuti u Maglaj. Ako nije htio da ima komunikaciju sa načelnikom, mogao je pozvati nas. Projekti koji se rade u Maglaju, mi znamo, načelniče inicijativu sam pokrenuo i gospodin Bešić zaista je od vitalnog interesa da se put Čobe-Domislice poveže onim makadamskim putem. Imamo problema. Prošli ste put rekli da nije potpisan ugovor sa izvođačem. Ima problema na terenu. Molim vas kao načelnika, da i Vi gledate ko je iz koje partije, nekada se ponašate tako. Trebamo biti korektni i poštteni da i Vi to radite. Neko je prošli put diktatorski, ima načelniče nezadovljstva i u Vašim redovima. Pričaju, šaptaju, govore, jednostavno ja pozivam na rad i razum i da više ne gledamo jedni druge preko nišana. Mi smo opozicija, mi ćemo iznositi, pregledamo sav materijal, Vi možete govoriti da iznosimo gluposti, ali mi ne iznosimo gluposti, mi govorimo konkretno. Ovim putem, zaista je ovo interesantno da Domislica nije ostala bez struje za ovaj Bajram i pozivam nadležne institucije da se riješi više fama HZHB i Elektropivreda, da znamo čiji smo. Mi svi plaćamo energiju u Maglaju, ali dajte da se taj problem više riješi. Eto to je to.

Načelnik općine Mirsad Mahmutagić-replika, ja opet izašao i moram ispravljati krive drine. Općina nigdje ne radi nelegalno javnu rasvjetu. Ako to tvrdite da to radimo, onda je to laž. Govorite o Izveštaju načelnika i službi i kažete radi se nelegalno, rade uposlenici Eelektrodistribucije, prijavite svakog koga vidite da radi bilo šta na javnoj rasvjeti, osim firmi koje imaju ugovore. Prošle godine smo imali dvije firme koji rade i radit ćemo. Ja sam ponosan na rasvjetu koliko se uradilo i treba se još raditi, pokriti čitavu općinu. Samo treba se početi plaćati ulična rasvjeta. Govorite ovdje o ugovorima, dakle malo je poteško u čitavoj državi, na svim tenderima učestvuje kamara firmi i na svakom tendru se neko žali, tako da to produžuje čitav postupak. Tako da još nemamo firmu ni za puteve ni rasvjetu i kad će biti i vidjet ćemo kad se završi u Uredu za žalbe. Nešto tendera je pri kraju za koje se nadam da neće biti žalbi. Na jedan od tendera nam se žali firma iz Banja Luke, koja nam se žalila i prije,

a nije učestvovala. I sada joj je zabranjeno učestvovanje, a još uvijek učestvuje. Odnosno žale se na jedan tender u Maglaju. Ne možete praviti nikakvu paralelu neko dođe i obiđe Maglaj, ja nisam zaobišao nijednu mjesnu zajednicu. U svim mjesnim zajednicama se nešto radilo. E sad, imali ste povjerenike i rukovodstvo mjesnih zajednica koji su imali politički zadatak da ruše sve što pokušavam uraditi. I jednostavno sam u nekim mjesnim zajednicama, gurnuo ih u stranu i radio i radit ću. Ali sam više puta rekao za govornicom ko želi saradivati sa službama i načelnikom bujrum, ko želi igrati se političkih igara, dalje od mene. E sad dikatura, mislite li da treba neko upravljati načelnikom, da trebam biti u rukama tuđim, da se vuku i da ja igram kako drugi svira? Ne, Mirsad Mahmutagić nije taj. Za ono što ja radim, ja i odgovaram i Vijeću i građanima i sudskim instancama. Znaete i to, podnosili ste prijave. Neće niko upravljati sa mnom. Ne mislim da uvijek radim najbolje, možda postoji i bolje, ali trebaju uslovi za bolje. Radim onako kako je moguće u ovakvim uslovima i koliko je moguće. I trudit ću se da tako radim i dalje.

Vijećnik Edin Salatović, imam samo jedno pitanje, pa ako se bude moglo dati odgovor. Ovdje kaže oblast obrazovanja, nauke, kulture i sporta, pa ima i jedna rečenica koja kaže: „Podržali smo i štampanje knjige, 'Kada od čovjeka očekuješ da bude muškarac lice u lice' autorice Kristine Doktor““. Ovo je za svaku pohvalu, samo nisam vidio da li je Općina Maglaj podržala izložbu Fuada Čičkušića, našeg slikara, koji je možda najveća kulturna promocija u poljednjoj deceniji? Nisam vidio, pa me zanima da li je Općina Maglaj učestvovala?

Vijećnik Jasmin Begić, ja ću se vratiti na temu Izvještaja. Evo svi potenciramo što nas zaobilaze svi. To se treba zapitati općinska administracija. Iz priloženog Izvještaja de mi recite možemo li nabrojati bar dva saastanka koja su urodila plodom u ovoj godini. Za Češku za grijanje, Tešnju prebacili, ispravi me Maide ako griješim, 480 hiljada eura, drugi ljudi rade, apliciraju. Svako voli jakog insana, a da ne govorim da svako voli jakog političara. Tako mi moramo pokazati da radimo, a kad to pokaže, doći će ljudi i takmičit će se da nam dolaze. Od 2014.godine znamo koliko je bilo humanitarnih organizacija, investicijskih fondova koji su pomogli i Maglaju i Doboju. Jel vi vidite da nema više nikoga?! Nema investicija, nema, da ne govorim o humanitarnoj, o tome ne volim pričati zato što je uvijek bolja ruka koja daje nego koja uzima. Trebamo animirati ljude da dolaze u Maglaj, da investiraju, a ne ovdje samo da se svađamo, ona vlast nije valjala, mi smo bolji. Dajte da vidimo, da vide građani, da vidimo djela. Imali smo nekog investitora. On se informisao na relaciji Tešanj- Teslić-Maglaj-Doboj. Tešanj mu davao besplatan plac i građevinsku dozvolu, u Teslićima dobio još veće benefite i otišao tamo. Zašto nam služi taj BFC certifikat ako mi ne pregovaramo oči u oči sa investitorom i ne ponudimo mu neke benefite?! Iz tog se vidi i ova sljedeća tačka, neka od sljedećih, povećanje građevinskih itd, samo tjeramo ljude. Ja bih volio da imaju bar dvije stvari, da kažem to građani vide. Toliko.

Načelnik općine Mirsad Mahmutagić, naš omiljen i privrednik sa nametima privredi, koji neplaća vodu, pa završio na Sudu. Morate se pripremiti, nema ovo nema ono, otišao u Tešanj. Koji investicioni fondovi su bili, pa ih više nema? Recite ovdje da svi čuju, da čujem i ja, pa ih nema i šta su investirali u Maglaj, kod koga? Nemojte da pričam, osim novca za poplave koji je odrađen onako kako jest, ni u Maglaju ni Doboju, to je promašaj. O kojem investitoru kojem govorite, al znam investitora koji počinje da radi, u Liješnici, njemačka kompanija, sve pri kraju, trebaju početi da rade za koji dan. On je boravio u Gračanici, Maglaju, Tesliću prije nego se odlučio gdje će investirati. Investirao je u Maglaju. Imamo trenutno razgovore sa

firmom koja je na pragu da gradi veliku pogon u Maglaju i u prvoj fazi da zaposli 120 ljudi, a u drugoj 240. I zajedno sa direktorom Natron –Hayata sam uradio sve što je u našoj moći da to realizujemo i nadam se da ćemo to na određenoj sjednici Vijeća imati određeni akt i za tu firmu. Firma u Liješnici nastavit će se graditi. Imali ste priču i Madija. Proglašavali ste tamo da će biti i stočna pijaca i klaonica, danas niko ne priča o Madiju, koji radi i nije ekološka bomba. Kad govorite gdje su Česi uložili, trebate znati gdje su uložili u čitavoj BiH, ali ono što zaboravljate, pa mi smo odbili projekat prečistača voda prije dvije i po godine, možda i tri. I više od godina i po smo morali ponovo proći proces da bismo ušli u priču oko grijanja. To je nekoliko puta prezentirano i na Vijeću i u medijima, tako da fazon kratke pameti ne pali. Da vam kažem i za BFC prošle sedmice smo imali kontrolu, koja je bila najavljena da traje od 20,00 sati do 15,00 sati. Završena je za sat i po. Konstatovano je da smo još unaprijedili ono što smo odradili da bismo dobili certifikat. Pozivam ja vas, kritikujte, al dajte ideje. Ona priča ima jedan čovjek u Gračanici, ne pali to ničemu.

Vijećnik Mirza Mešić, pozdravljam sve prisutne. Mi smo malo otišli od teme iz razloga što svaki put jedne te iste osobe izlaze za govornicu, iste se stvari dešavaju i traže na kraju od nas, posebno od načelnika da se ne vraća na period prije njegovog mandata, a vi to sami radite. Vi ste ovdje sve nabrojali šta nije uredu, međutim rezultati su vidljivi i u skladu sa pandemijom, to ste zaboravili. Pandemija je uzrok svih dešavanja. U skladu sa svim tim, urađeno je i više od predviđenog. Ja ću samo napomenuti jedan od projekata koji je urađen, a koji je stajao više godina. Drveni most u 21.stoljeću je stajao u našem gradu, to je jedan projekat koji je riješen i koji je bogatstvo. Što se tiče podrške, podržavan je sport, poljoprivreda. Imam osjećaj da ovdje se izađe za govornicu samo zato da se eto nešto kaže, dijeli itd. Prestanite ljudi s time. Ovdje smo i mi i vi u ime građana, prestanimo, dajte da završimo sa ovom tačkom, iznijeli ste, dobili ste odgovore i idemo dalje. Izvještaj ima i gospođa predsjedavajuća je rekla da je voljom građana rečeno sve. Zamolio bih vas ako više nemate šta konkretno, da završimo konačno.

Zaključujem raspravu i stavljam na glasanje,

ZAKLJUČAK

1.1. Usvaja se Izvještaj o radu Jedinственog organa uprave Općina Maglaj za period 01.01.-31.12.2020.godine.

GLASALO ZA: Elvir Arnautović, Mirza Bradarić, Fikret Delić, Jasmin Đuhara, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Ferić (DF), Aida Bašić (A-SDA), Elvir Vehabović (NBL), Pero Mamić (HDZ),

GLASALO PROTIV: Adis Abdurahmanović, Jasmin Begić, Mirsad Bežić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

2. Izvještaj o radu Općinskog pravobranilaštva za 2020.godinu;

Otvaram raspravu.

Vijećnik Firuz Galijašević, pozdravljam sve prisutne. Ja imam odmah jedno pitanje za Općinsko pravobranilaštvo. Ono se odnosi na upravne postupke i sporove. Zaprimljeno je 36 predmeta, riješeno je 18 dakle 50%. Mene zanima koliko je od ovih 18 Općina izgubila i koliko će to Općinu da košta finansijski?

Vijećnik Edin Salatović, u suštini rijetko se kada slažemo, ali Klub vijećnika SDA ima potpuno isto pitanje.

Pravobraniteljica Nermina Botonjić, pozdravljam sve prisutne. Konkretno vezano za upravne postupke. To su postupci koji se vode pred nadležnim službama Općine Maglaj. To su postupci koji kao predmet postupanja imaju imovinsko-pravne odnose i vrlo često smo i sami bili u situaciji da vi na Vijeću donosite Odluke koje su bile pripremane u upravnom postupku, gdje je pravobranilac zastupao interese Općine. Što se tiče upravnog spora to je postupak koji se pokreće tužbom, nakon što su iscrpljeni svi postupci. Općina ima postupak vezano za Transey i Asfaltnu bazu. Oko iznosa se ne mogu izjasniti. Na Općinskom vijeću smo se izjašnjavali. Podnosili izvještaje, Služba sama učestvovala u postupku. Mogu reći da u ovim slučajevima, Općinsko pravobranilaštvo je poduzeo sve moguće da ospori rješenja kantonalna, da putem Suda ostvari rješenje koje će odgovarati Općini Maglaj. Ne mogu vam reći koji je iznos za Transey, ja zaista ne znam. O tome ne bih u ciframa. Od 18 nema izgubili, dobili, nije riješeno dakle. Odluke bilo kakve da su vrste idu na Vijeću. Što se tiče Transeya nismo ništa mogli, nismo imali ni načina.

Vijećnik Firuz Galijašević, pažljivo sam Vas slušao. Još nisam čuo koliko je riješeno od ovih 18 u 2020.godini. Brojčano koliko je u korist Općine, koliko protiv?

Pravobraniteljica Nermina Botonjić, ja pokušavam da budem jasna. Iz ranijih godina u upravnom postupku je preneseno 53 predmeta, gdje učestvuje u postupku kao stranka Pravobranilaštvo. U 2020.godine zaprimljeno je 26, riješeno je samo 18, od toga u upravnom sporu su Transey i Asfaltna baza. U Transeyu ništa pozitivno nije za nas, a za bazu u toku je spor obaranja građevinske dozvole. Za iznos ne mogu reći, jer bih morala ići pojedinačno po rješenju.

Predsjedavajuća Svjetlana Zamboni-Radovanović, nije nam Asfaltna baza riješena. 16 u našu korist, 2 nisu. Jel tako?

Pravobraniteljica Nermina Botonjić, pa eto tako.

KLUB SDA PAUZA.

Z A K L J U Č A K

2.1. Usvaja se Izvještaj o radu Općinskog pravobranilaštva za 2020.godinu.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Aida Bašić (A-SDA), Elvir Vehabović (NBL), Pero Mamić (HDZ),

GLASALO PROTIV: Adis Abdurahmanović, Jasmin Begić, Mirsad Bejzić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

3. Informacija o radu Općinskog vijeća Maglaj za 2020.godinu;

Otvaram raspravu.

Vijećnik Eldis Kusur, pošto je u pitanju Informacija, Klub vijećnika SDA misli da je trebalo biti u formi Izvještaja i da ovdje nemamo pokazatelj koliko je zaključaka realizovano od onih koje smo donijeli.

Vijećnik Hajrudin Ferić, u prošlom sazivu Vijeća bilo je dilema da li informacija ili izvještaj. U prošlom sazivu sam potencirao da bude izvještaj i sad sam izašao sa jednom sugestijom, a to je da ovaj materijal i tretiramo kao izvještaj. Ovo nije dobra volja ničija, nego je u Zakonu o principima lokalne samouprave rečeno da se ponosi Izvještaj o radu Vijeća, a isto tako iz Zakona su ušli u Statut i u Poslovniku se pominje. Dakle, Izvještaj o radu prezentira se javnosti. Bez obzira što smo se pitali kako ćemo sami sebi prihvatati izvještaj, ali to je praksa koja predstavlja demokratsku odgovornost Organa lokalne samouprave, tako stoji u Zakonu, da kroz formu izvještaja kroz sve parametre upoređuju se rezultati s planiranim ciljevima. Mi imamo neke forme kroz ovu Informaciju i tako bi ga i trebali tretirati. S druge strane materijal je sigurno trebalo da se napomene i koliko je bilo zaključaka, koji su realizovani, koji nisu. Ja konkretno znam nekoliko usvojenih na moju inicijativu, a koji nisu realizovani. Naravno ima i realizovanih. Trebalo da se napomene koliko je održano javnih rasprava tokom 2020.godini uprkos uslovima pandemije, što je pohvalno. Također bih skrenuo pažnju i na nešto što bi trebalo ovdje razmisliti, a to je pitanje nedefinisanosti i nepreciznosti odredi Poslovnika o radu, a to je o tretiranju vijećničkih pitanja i inicijativa, prema amandmanima. Mi vrlo često, kada je u pitanju forma Nacrta Odluke, hajde bit će u toku javne rasprave, nemamo precizirano kako možemo kao vijećnici uticati na Nacrt. Ima još nedefiniranih stvari, ali mislim da je sazrelo vrijeme da u toku 2021.godini pristupimo izmjenama Poslovnika o radu Općinskog vijeća, koje bi mogle dobiti potrebnu većinu.

Predsjedavajuća Svjetlana Zamboni-Radovanović, obzirom da ste se dotakli Poslovnika, a predsjednik ste te Komisije, trebali biste pokrenuti inicijativu, da uđemo i u tu proceduru.

Vijećnik Mirza Mešić, ja ću kratko, obzirom da je ovo Informacija i da se traži po Zakonu da to bude izvještaj, ja mogu dati prijedlog pošto sad ide tako, da se naredni put uskladi sa Zakonom. Može se vidjeti malo u ovoj Informaciji, vidi se da su ove Komisije dosta više radile nego prethodni period.

Predsjedavajuća Svjetlana Zamboni-Radovanović, obzirom da se radi o novom sazivu, jeste prije bio Izvještaj, na prijedlog gospodina Jurišića pitao se da li sami sebi da podnosimo Izvještaj. Pa smo stavili kao obavezu nas prema građanima da to ide u ovoj formi. Sve iznesene sugestije prihvatamo, Informaciju primamo k znanju, a sljedeći put će se pripremiti u formi izvještaja.

Z A K L J U Č A K

3.1. Prima se k znanju Informacija o radu Općinskog vijeća Maglaj za 2020.godinu, uz prihvatanje predloženih sugestija.

3.2. Za narednu godinu će biti pripremljen Izvještaj o radu Općinskog vijeća Maglaj umjesto Informacija o radu Općinskog vijeća Maglaj, u formi kakva je predložena.

4.

- a) Izvještaj o radu OIK za 2020.godinu;
- b) Program rada OIK za 2021.godinu;

Otvaram raspravu.

Predsjedavajuća Svjetlana Zamboni-Radovanović, ja moram reći da predstavnika OIK-a nema ovdje i moram konstatovati da je vrlo neozbiljno.

Vijećnik Mirza Bradarić, sve vas srdačno pozdravljam. Mi smo inače imali praksu, kad neki materijal dođe na dnevni red, ako te osobe nema, ako nije prisutna na sjednici, da taj materijal skinemo i ostavimo za sljedeću sjednicu. Ovo je zaista neozbiljno. Da li je gospodin Bašić opravdao svoj izostanak?

Predsjedavajuća Svjetlana Zamboni-Radovanović, meni nije. I na prošlom Izvještaju niko nije prisutan bio.

Emina Hasanić, javio se mailom da je bolestan i da će poslati nekoga.

Predsjedavajuća Svjetlana Zamboni-Radovanović, hoće li se razmatrati ili skidati s dnevnog reda?

Vijećnik Mirza Mešić, pošto je gospodin Bradarić, moj kolega, sve iznio, ja predlažem da ostanemo po toj praksi. Ja predlažem da se skine s dnevnog reda i pod a i b.

PAUZA ZA KLUB SDP-a.

Predsjedavajuća Svjetlana Zamboni-Radovanović, prijedlog je bio da se ova tačka skine s dnevnog reda uz obavezu da predsjedniku OIK-a uputi se poziv za narednu sjednicu, zahtjevati obavezno prisustvo, ko je za?

Z A K L J U Č A K

4.1. Skida se sa dnevnog reda Izvještaj o radu OIK za 2020.godinu i Program rada OIK za 2021.godinu;

4.2. Da se za narednu sjednicu pošalje poziv predsjedniku OIK-a u kojem će se zahtijevati obavezno njegovo prisustvo, prilikom razmatranja Izvještaja o radu OIK za 2020.godinu i Programa rada OIK za 2021.godinu.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Aida Bašić (A-SDA), Elvir Vehabović (NBL), Pero Mamić (HDZ),

GLASALO PROTIV: Adis Abdurahmanović, Jasmin Begić, Mirsad Bejzić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

5. Periodični finansijski izvještaj Budžeta/Proračuna Općine Maglaj za period 01.01. – 31.03.2021.godine;

Vijećnik Eldis Kusur, prošli put koliko se mogu sjetiti da je ovo bilo u formi Informacije, ovo nam malo dilemu stvara, je li Informacija, vidjeli smo pokazatelje, da li se usvaja ili ne.

Senada Alibajraktarević, pozdravljam sve prisutne. Ovo je zvaničan naziv koji šaljem prema Ministarstvu finansija, set od 9 finansijskih obrazaca. Vijeće ga ne usvaja, nego se daje informativno Vijeću na znanje. Šalje se najkasnije 20 dana nakon isteka kvartala.

Vijećnik Hajrudin Ferić-replika, ova dilema koju postavljaju i iznose kolege iz SDA će se vjerovatno ponavljati i ubuduće, da ne bude zabune, u jednom dopisu koju je Služba dobila iz Federalnog ministarstva finansija da nema obavezu da se dostavlja Vijeću, ali isto tako je rečeno da može donijeti Odluku da se dostavlja Vijeću kao Izvještaj. Mi smo ovo, smatram lično, trebali regulisati Odlukom o izvršenju Budžeta. Ubuduće se jasno treba naznačiti da se prima k znanju da više ne bude zabune. Gospođa Grahić je pomenula jedan dio, nije pomenula da Vijeće može donijeti Odluku. Dakle, imamo tu mogućnost.

Predsjedavajuća Svjetlana Zamboni-Radovanović, molim Vas Senka da za naredni put to naglasite. Zaključujem raspravu,

ZAKLJUČAK

5.1. Prima se k znanju Periodični finansijski izvještaj Budžeta/Proračuna Općine Maglaj za period 01.01. – 31.03.2021.godine.

6. Odluka o izmjeni Odluke o utvrđivanju platnih razreda i koficijenata za plaće, dodatka na plaću, naknada plaće izabranih dužnosnika, nosioca izvršnih funkcija i savjetnika, državnih službenika i namještenika Općine Maglaj;

Vijećnik Eldin Pehrat,dakle Klub vijećnika SDA traži detaljno obrazloženje ove tačke. Imamo informaciju da su neke stvari već riješene, pa nas zanima detaljno.

Vijećnik Eldis Kusur,u drugom dijelu Odluke koja se tiče inspektora, znamo da Zakonom o inspekcijским poslovima ZDK, Službene novine broj: 6, član 24. piše dodatak na plaću. Tu piše da inspektori imaju pravo 20% na plaću. Zanima nas ako se ova Odluka usvoji u ovoj formi danas, da li će to proizvesti neke pravne radnje, da ti ljudi pokrenu postupak zbog kršenja člana 24. ?

Predsjedavajuća Svjetlana Zamboni-Radovanović, imaju pravo na dodatak? Je li obavezujući?

Vijećnik Eldis Kusur,da ne dođe da neko tuži Općinu pa da mu se retroaktivno mora isplaćivati. Oni su nezavisni u svom radu. Ako se donese ova Odluka, bojim se da će nas tužiti.

Vijećnik Hajrudin Ferić,imam jednu zamjerku što zaista treba malo detaljnije, da nam bude jasnije. Želim istaći da sam prateći medijske natpise, presude, u toku i presude Ustavnog suda FBIH kada su u pitanju ove naknade na plaću koje su bile regulisane Zakonom o vatrogastvu i Zakonom o Matičnim knjigama, koji je osiguravao taj dodatak na plaću matičarima. Po drugoj apelaciji Sud je presuđivao i rekao da je povrijeđeno pravo na lokalnu samoupravu, nisu se pitale jedinice lokalne samouprave, stavljeno je to van snage i haj da kažemo vratilo se u nekako prijašnje stanje. Kako je riješeno i regulisano sa vatrogascima, obzirom na okolnosti posla, trebalo je to da se napiše. Isto tako kada je u pitanju matičar u administraciji, trebali bismo imali određene finansijske pokazatelje, koliko matičara, koliko 20 %. Ali ono što je meni dalo motiv da se javim je da inspekcije koje po prirodi svog posla

imaju to pravo za uslove rada i nadležnosti imaju taj dodatak 20%. Dakle, ono što mene interesuje i što bi volio da mi pojasni predlagač ove Odluke, ne da li je ovo usklađeno sa Zakonom o inspekcijama, federalni Zakon o inspekcijama, koliko smo vidjeli u materijalima nije obavezujući, ali ne spominje se šta je sa kantonalnim Zakonom, šta stoji, ali i da nije, mi postavljamo pitanje sebi šta stoji u Pravilniku o unutrašnjoj organizaciji i sistematizaciji radnih mjesta u Organima uprave za ove inspekcijske poslove? Da li su to tačno određeni poslovi, koji zahtijevaju posebne uslove rada. Ono što je također važno napomenuti je da kolektivni Ugovor za službenike Organa uprave i sudske vlasti FBiH broj 6/21 u članu 25. kaže: „Državnom službeniku ili namješteniku, koji radi na poslovima s posebnim uslovima rada, utvrđenim pravilnikom o radnim odnosima, pripada pravo na posebni dodatak uz plaću u visini do 20%.“ Dakle, mi i kad bi izglasali da izbrišemo ovaj član 18. Odluke sebe dovodimo u dilemu da li svi ostali članovi koji ostaju na snazi, te Pravilnik plus kolektivni Ugovor ne bi omogućili određene postupke inspektor kod nadležnih organa za žalbe ili pritužbe. Treba nam više odgovora, da li je to sve usklađeno. Podsjetit ću da prošle godine je bio Izvještaj i Program rada svih inspekcija, 23 glasa je usvojilo i Izvještaj i Program rada za 2020.godinu, jedini suzdržan, odnosno protiv sam bio ja. Ovaj prijedlog mi djeluje kao jedan oblik destimulacije tih inspektora koji rade u ovom trenutku, ali koji i vjerovatno zaslužuju destimulaciju, ali ne na ovakav način. Općina je pet godina tražila inspektore da ih zaposli u periodu od 2006. do 2011. godine i da je na jedvite jade našla dva ova inspektora koji rade tako kako rade. Znam da je vrlo blizu personalni odlazak i jednog i drugog, penzija i tako dalje, ako izglasamo ovo će biti teškoća da se riješi na jedan korektan način za Općinu Maglaj. Ombudsmeni u decembru su objavili specijalni izvještaj o ulozi inspeksijskih tijela za zaštitu ljudskih prava i dali su neke preporuke načelnicima. Neću čitati sve, samo nekoliko: sukladno sa svojim nadležnostima i ovlaštenjima poduzmu potrebne mjere u cilju otklanjanja slabosti u funkcioniranju inspeksijskih tijela, postizanja efikasnijeg djelovanja inspeksijskih tijela/organa i osnaživanja inspeksijskih tijela; kontinuirano analiziraju vlastita zakonodavstva kojima se uređuje funkcioniranje inspeksijskih organa, te shodno tomu rade na njihovom unaprjeđenju; razmotre mogućnost osiguranja finansijskih sredstava neophodnih za optimalno i profesionalno funkcioniranje inspeksijskih organa, a u cilju jačanja kapaciteta kroz zapošljavanje određenog broja izvršitelja radi efikasnog obavljanja poslova i osuvremenjavanje opreme; ujednačavanje dodataka na plaću na svim razinama vlasti; Eto toliko.

Predsjedavajuća Svjetlana Zamboni-Radovanović, ono što ja imam dilemu, jeste da je gospodin Kusr pozvao se na Zakon iz 2011. godine, ovdje imamo Presudu iz 2019. godine i kaže: „Ne propisuje za jedinice lokalne samouprave obavezu isplate dodataka na platu, u minimalnom iznosu 20%, nego je jedinicima nametnuto da sami definišu..“

Načelnik općine Mirsad Mahmutagić, ja sam pozvao i službenicu koja radi na ovim poslovima, ako bude trebalo. Ferić se uvijek kvalitetno pripremi u smjeru u kojem želi ići, a ne da se razmotre činjenice. Nemojte govoriti da je ovo destimulacija. Kakva destimulacija. Oni su uposlenici u Općini kao i ostali uposleni. Ne mislim ako ćete personalno, ne mislim da je njihov posao nešto teži od urbanizma, gdje skače neko po terenu i danju i noću i vikendima i nema pravo na nikakav dodatak. Lično smatram da niko u administraciji ne zaslužuje poseban dodatak. Drugo je što se negdje po sjedaljkama nametnu neki Zakoni, iznad kojih je Zakon o principima lokalne samouprave. Bivši načelnik pokrenuo je spor i dobio i vatrogasci

nemaju pravo više na naplatu i u drugim Općinama je to ukinuto. Ovdje je dio vatrogasaca naplatio po toj žalbi, tužbi naplatio dio sredstava, nakon ovog jasno je da nemaju pravo na to. Jasno je da ni inspektori nemaju pravo na to. Ja ne mislim da treba samo inspektorima poboljšati uslove, treba svima, ali imamo li mi te uslove da ih poboljšamo? Dakle, treba raditi u onakvim uslovima kakvi jesu. U obrazloženju jasno stoji da nemamo zakonsku obavezu da isplaćujemo taj dodatak. Ne mislim da ikog treba razdvajati po nazivu radnog mjesta. Kamo sreće da postoje stimulacije za one koji rade, a destimulacije za one koji ne rade. Imaju oni koji vuku za troje pa ne mogu dobiti stimulacije. Treba uskladiti Pravilnik i sve akte, na tome gospođa Skejić radi i imat ćete određenih izmjena. Izašao sam da kažem da se ne slažem sa Fermićem, ali šta je tu konkretno. Nemamo obavezu, ja ću se zalagati da se ovo izmjeni i još jednom ću reći ne smatram da inspektori trebaju biti privilegovani po bilo čemu. Nismo obavezni da to primjenjujemo.

Vijećnik Hajrudin Fermić-replika, dakle ja sam i tražio dodatno obrazloženje i dobio sam, a pitanje je glasilo da li je sve usklađeno sa svim aktima, obzirom da sam pomenuo da nema veze sa Zakonom o inspekcijama sa tim obavezama, pravo dodatka. Ono što sam sugerisao da piše da se Pravilnikom ili unutrašnjoj sistematizaciji, koja su to mjesta koja su regulisana ili kolektivni ugovor koji propisuje 20%, Odluka je manje ili više nebitna. Naravno da jest pravo lokalne samouprave da predlaže, da razmišljaju koliko će plaću dati. Može biti ovakvi prijedlozi koji ste predložili, može biti drugačije vrste, pa tu smo, glasat će se i izglasati ono što je stav većine.

PAUZA ZA KLUB SDA.

Zaključujem raspravu,

Z A K L J U Č A K

6.1. Usvaja se Odluka o izmjeni Odluke o utvrđivanju platnih razreda i koeficijenata za plaće, dodataka na plaću, naknada plaće izabranih dužnosnika, nosioca izvršnih funkcija i savjetnika, državnih službenika i namještenika Općine Maglaj.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Aida Bašić (A-SDA), Elvir Vehabović (NBL), Pero Mamić (HDZ),

GLASALO PROTIV: Adis Abdurahmanović, Jasmin Begić, Mirsad Bejzić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

GLASALO UZDRŽANO: Hajrudin Fermić (DF).

7. Nacrt Odluke o naknadi troškova izdavanja urbanističke i građevinske dokumentacije;

Otvaram raspravu.

Vijećnik Adis Abdurahmanović, pozdravljam sve prisutne. Klub vijećnika SDA od nadležne Službe traži obrazloženje i cijenu usluga iz prethodne Odluke, odnosno prethodnih godina. Zanima nas kako je išla naplata do sada, da li je bilo problema i negodovanja oko

naplate i da li se informisalo kod građana i privrednih subjekata o prihvatljivosti predloženih cijena?

Nedžad Ćatić, pozdravljam sve prisutne. Što se tiče prethodne Odluke, ona je iz 1998.godine, ona je prevaziđena u nekim stvarima, prije svega o načinu naplate jer je bila naplata razdvojena za pravna i fizička lica. Pa je tako 50 KM bila naplata za fizička lica za građevinsku bez obzira šta se gradilo. Sada imamo situaciju da fizička lica grade zgradu zajedno sa pravnim licem, tako da pravnom licu naplaćujete 1000 KM, a fizičkom 50 KM. Cijene su iste, mogu reći, iako je ovo Nacrt, u Nacrtu smo stavili prema razvijenoj površini do 200 kvadrata 100 KM, od 200-400 kvadrata je 300 KM. Do 200 kvadrata su uglavnom individualno-stambeni objekti. A u staroj je bilo 50 KM za bilo kakav objekat, za pravna lica je bilo razvrstano. Ima nekih stvari koje nismo imali, uvjerenje o izgrađenosti, postavljanja panela koje imamo sve više, a nemamo regulisanu naplatu. Ovo je Nacrt, u svakom slučaju da odredimo i rok 15 dana za javni uvid i javnu raspravu.

Zatvaram raspravu, Nacrt uz prijedlog od 15 dana za javni uvid i javnu raspravu stavljam na glasanje,

ZAKLJUČAK

7.1. Usvaja se Nacrt Odluke o naknadi troškova izdavanja urbanističke i građevinske dokumentacije.

7.2 Da se javni uvid i javna rasprava provedu u roku od 15 dana.

GLASALO ZA: Elvir Arnautović, Mirza Bradarić, Fikret Delić, Jasmin Đuhara, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Aida Bašić (A-SDA), Elvir Vehabović (NBL), Pero Mamić (HDZ),

GLASALO UZDRŽANO: Adis Abdurahmanović, Jasmin Begić, Mirsad Bejzić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

8. Prijedlog Odluke o usvajanju djelimične Izmjene Regulacionog plana "Centar Maglaj-sjeverni dio" po zahtjevu "EURO MEAT" doo Maglaj;

Nedžad Ćatić, prijedlog je znači Odluke o usvajanju Izmjene Regulacionog plana "Centar Maglaj-sjeverni dio" po zahtjevu "EURO MEAT" doo Maglaj. Imali smo Odluku o pristupanju koja je donesena i ide po skraćenom postupku. Ovom izmjenom se mijenja namjena poslovnih objekata iz namjene za proizvodnju namještaja u namjenu za rasijecanje, pakovanje i distribuciju mesa. Mijenja se razmještaj poslovnih objekata građevinske linije, tako što se postojeće stanje legalizuje i dogradnja sa sjeverne i zapadne strane. Isto tako ukida se jedan planirani objekat, jer pada na ove parcele to jest ovog vlasnika. Sada taj objekat nema svrhe, jer su već kupljene parcele.

Otvaram raspravu.

Vijećnik Edin Osmić, sve vas pozdravljam. Ovdje bi trebalo skrenuti pažnju da je ugovor već potpisan i pitati šta je suština glasanja.

Zatvaram raspravu i stavljam na glasanje,

ZAKLJUČAK

8.1. Usvaja se Odluka o usvajanju djelimične Izmjene Regulacionog plana “Centar Maglaj-sjeverni dio” po zahtjevu “EURO MEAT” doo Maglaj.

GLASALO ZA: Elvir Arnautović, Mirza Bradarić, Fikret Delić, Jasmin Đuhara, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Aida Bašić (A-SDA), Elvir Vehabović (NBL), Pero Mamić (HDZ).

GLASALO PROTIV: Adis Abdurahmanović, Jasmin Begić, Mirsad Bejzić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

GLASALO UZDRŽANO: Hajrudin Ferić (DF).

9. Nacrt Odluke o usvajanju djelimične izmjene Regulacionog plana “Centar Maglaj – južni dio” po zahtjevu “Alu Wood Inžinjeri” doo Maglaj;

Otvaram raspravu.

Vijećnik Hajrudin Ferić, kada je u pitanju Nacrt ove Odluke naravno da se odmah izjašnjavam da ide redovni postupak sa javnim uvidom i raspravom, ali želio bih ovdje napomenuti da, žao mi što nema nijednog arhitekta koji bi mogao bolje od mene sigurno da govori o nekim stvarima i pitanjima koji interesuje veliki broj građana. Ono što smo dobili u sklopu ovog materijala, peticiju stanovnika solitera. Naime, u ovoj peticiji se aposlutno iznosi svi bojazni, strahovi i naravno neslaganja sa prijedlozima o izmjenama Regulacionih planova, a kada je u pitanju gradnja objekta gdje je ranije bila Privredna banka Sarajeva. Zbog neposredne blizine soliteru i M3, drugim objektima, postavlja se pitanje kvaliteta života postojećih stanara. Jedna od pitanja koje je Vijeće usvojilo zaključkom je da se ovakva pitanja i dileme reguliše posebnom Odlukom koja bi kroz Regulacione planove tretirala udaljenost izgrađenih objekata u odnosu na izgrađene i svjetlosti i osunčanosti i drugih infrastrukturnih pitanja. Ja bih samo ovdje spomenuo da je to je bio zaključak i Služba je trebala u roku od 3 mjeseca dostaviti materijal. Prošla je evo godina, svaki arhitekta zna naučne postavke o insolaciji koja poboljšava ili pogoršava uslove života. Sve su to uradili veliki arhitektonski autoriteti tipa dr. nauka Nine Ugljen Ademović, Petra Pejića koji govore o tome koliko je osunčanost potrebna za život i koliko prema naučnim studijima koliko treba biti udaljenost od objekta do objekta, spratnost, taj period zimskog vremena, ljetnog perioda. Aposlutno ja lično kao vijećnik nemam nikakvih dilema da li podržati ili ne, ali sam za to da se ograniči maksimalna visina objekta u odnosu na postojeći, a koja bi bila maksimalne visine M4 objekta i da bi mogla da zadovolji i potrebe i zahtjeve stanara. Kako stoji u peticiji, nisam potpisnik, ali sam za to što je navedeno u njoj.

Nedžad Čatić, ja bih samo ovdje neke stvari naveo, onaj objekat kakav je bio on se zadržavao, nije se ništa mijenjalo. Po zahtjevu investitora, on je tražio veći objekat 21x32, spratnosti prizemlje plus 7 spratova. Administracija je u skladu sa važećim Odlukama uradila urbanističko-tehničke uslove, to su dimenzije 20x25 sa mogućnosti proširenja po 1,5 na sve strane osim prema soliteru. Prizemlje plus 5 spratova i to je maksimalna spratnost po

Regulacionom planu južni dio. Ako se odlučite, 15 dana je predviđeno za javni uvid i javnu raspravu.

Vijećnik Safet Jašić, želim da dam i ja svoj doprinos kad je u pitanju izgradnja ovog objekta. Gospodin Fermić je rekao jednu dobru stvar, čime bi pomirili i građane i investitora. Da li uopšte Maglaju treba da se dogodi ta sedmokatnica ili petokatnica? 200 ljudi bi dodatno bilo na onako tijesnom prostoru, to ne bi bilo baš zgodno za građane koji tu žive trenutno. U Maglaju ima dovoljno prostora i da se ubuduće ne ulazi u Regulacione planove. Ovo je tako kako jest, prizemlje plus 3 sprata bi bilo prihvatljivo. Ova peticija dovoljno govori, ne bi bilo primjedbi i izgradnja bi ranije krenula.

Vijećnik Firuz Galijašević, ne mogu da ne dam komentar, tijesno je u gradu. Možemo mi koji smo na selu pričati tijesno u gradu, a zašto da ne dopustimo ljudima koji imaju i novac i potrebu da žive u gradu, što se mene tiče, lično, nek se gradi do neba.

Načelnik općine Mirsad Mahmutagić, gospodin Fermić je rekao, da smo prije godinu dana imali nešto tako. Mi imamo smjernice u važećim aktima, u skladu čega je izašao Nacrt novog objekta sa svim udaljenostima i apsolutno sam za to da ide po redovnom postupku, da se uključe i građani. U nas u Maglaju što god se treba graditi, samo se nalaze protivnici koji nemaju mira u gradu, pa što si u gradu. Izvoli na selo, pa budi na miru. U svakom gradu vrvi i treba da vrvi. Ako postoji investitor i ne plaši se da će upropastiti svoj novac, zašto ćemo mi. Najčešće se bune one koji su dobili od države besplatno. Neko će platiti punu cijenu, a neće imati nikad osunčanu stranu. Nisam za nered, ali ako se može graditi u Doboju, Banja Luci, Sarajevu, zašto ne u Maglaju. Živim u neposrednoj blizini ove lokacije. S druge strane gledam u zgradu koja je bliže nego ova sada, šta sam trebao reći ne mogu živjeti u miru. Kamo sreće da je veća potražnja za stambenim jedinicama. Lično mislim da i na onom mjestu treba usaglasiti sa dimenzijama investitora i potrebe okolnih stanara, ali ne na način nisam za to.

Vijećnik Eldis Kusur, pošto je Nacrt, Klub vijećnika nije protiv gradnje objekta, već je donesena Odluka. Neka ide u redovnu proceduru, građani će reći svoje, mi generalno nismo protiv gradnje objekata.

PAUZA KLUBA SDA.

Zatvaram raspravu i dajem na glasanje

Z A K L J U Č A K

9.1. Usvaja se Nacrt Odluke o usvajanju djelimične izmjene Regulacionog plana "Centar Maglaj – južni dio" po zahtjevu "Alu Wood Inžinjering" doo Maglaj.

9.2. Da se javni uvid i javna rasprava provedu u roku od 15 dana.

GLASALO ZA: Elvir Arnautović, Mirza Bradarić, Fikret Delić, Jasmin Đuhara, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Aida Bašić (A-SDA), Elvir Vehabović (NBL), Pero Mamić (HDZ),

GLASALO UZDRŽANO: Adis Abdurahmanović, Jasmin Begić, Mirsad Bejzić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA), Hajrudin Fermić (DF).

10. Prijedlog Odluke o pristupanju djelimičnoj Izmjeni Regulacionog plana "STARI GRAD" Maglaj po zahtjevu Lokmić Enise;

Otvaram raspravu.

Vijećnik Mirsad Bežić, Klub vijećnika SDA će Prijedlog Odluke o pristupanju djelimičnoj Izmjeni Regulacionog plana "STARI GRAD" Maglaj po zahtjevu Lokmić Enise podržati. Obzirom da se radi o pozitivnom primjeru i želji da se oživi stari dio grada, bilo bi poželjno da i ostali podrže.

Zatvaram raspravu i dajem na glasanje po skraćenom postupku,

Z A K L J U Č A K

10.1. Usvaja se Odluka o pristupanju djelimičnoj Izmjeni Regulacionog plana "STARI GRAD" Maglaj po zahtjevu Lokmić Enise.

10.2. Postupak izmjene Regulacionog plana provodit će se po skraćenom postupku.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Aida Bašić (A-SDA), Elvir Vehabović (NBL), Pero Mamić (HDZ), Adis Abdurahmanović, Jasmin Begić, Mirsad Bežić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

11. Prijedlog Odluke o pristupanju djelimičnoj Izmjeni Regulacionog plana "Centar Maglaj – južni dio";

Otvaram raspravu.

Zatvaram raspravu i dajem na glasanje na prijedlog načelnika da ide i ovo po skraćenom postupku,

Z A K L J U Č A K

11.1. Usvaja se Odluka o pristupanju djelimičnoj izmjeni Regulacionog plana „Centar Maglaj – južni dio“.

11.2. Postupak izmjene Regulacionog plana provodit će se po skraćenom postupku.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Aida Bašić (A-SDA), Elvir Vehabović (NBL), Pero Mamić (HDZ),

GLASALO UZDRŽANO: Adis Abdurahmanović, Jasmin Begić, Mirsad Bežić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

12. Rješenje o razrješenju i imenovanju novog člana Komisije za dodjelu javnih priznanja;

Predsjedavajuća Svjetlana Zamboni-Radovanović, kao što znate zbog smrti člana Komisije, ovo Rješenje je ovdje. Irena Herceg se imenuje kao član ove Komisije. Dobili ste Rješenje na mail prije sjednice.

Otvaram raspravu.

Zaključujem raspravu i dajem na glasanje

Z A K L J U Č A K

12.1. Donosi se Rješenje o razrješenju i imenovanju novog člana Komisije za dodjelu javnih priznanja.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Samir Fetić, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Aida Bašić (A-SDA), Elvir Vehabović (NBL), Pero Mamić (HDZ),

GLASALO PROTIV: Adis Abdurahmanović, Jasmin Begić, Mirsad Bejzić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

13. Izvještaj o realizaciji programa održavanja javne higijene sa finansijskim pokazateljima za 2020. godinu;

Vijećnik Samir Fetić nije prisutan.

Otvaram raspravu.

Vijećnik Eldin Pehrat, dakle ovdje se radi o Izvještaju. Ja bih želio samo ovdje jednu napomenu, sugestiju za naredni period. Dakle, da se uvrsti održavanje svih šehidskih spomen obilježja na području općine, te da se Programom javnog zelenila budu obuhvaćene i sve mjesne zajednice.

Zaključujem raspravu, Služba da uzme u obzir ovu sugestiju za naredni period, dajem na glasanje,

Z A K L J U Č A K

13.1. Usvaja se Izvještaj o realizaciji programa održavanja javne higijene sa finansijskim pokazateljima za 2020. godinu.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Aida Bašić (A-SDA), Elvir Vehabović (NBL), Pero Mamić (HDZ),

GLASALO PROTIV: Adis Abdurahmanović, Jasmin Begić, Mirsad Bejzić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

14. Izvještaj o realizaciji programa održavanja javnog zelenila sa finansijskim pokazateljima za 2020.godinu;

Otvaram raspravu.

Zatvaram raspravu i dajem na glasanje

ZAKLJUČAK

14.1.Usvaja se Izvještaj o realizaciji programa održavanja javnog zelenila sa finansijskim pokazateljima za 2020.godinu.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Aida Bašić (A-SDA), Elvir Vehabović (NBL), Pero Mamić (HDZ),

GLASALO PROTIV: Adis Abdurahmanović, Jasmin Begić, Mirsad Bejzić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

15. Izvještaj o realizaciji zbrinjavanja pasa lotalica sa finansijskim pokazateljima za 2020.godinu;

Otvaram raspravu.

Vijećnik Mustafa Bešić, ja ću ga podržati, ali imamo problem u mojoj MZ. Mi smo unazad se organizovali da se pokuša što više pohvatati tih pasa lotalica. U naseljenom mjestu Domislica, došle su tri-četiri kuje koja je dovela devet malih. Što bi mi to tokom dana pohvatali, njih po danu nema, negdje su na njivi. Ovom prilikom sugerisem da nam se pomogne. Ja se stavljam na raspolaganje svojoj mjesnoj zajednici. Veliki problem za našu općinu. A što se tiče grada i Općina i Službe da daju svoj maksimum da se ukloni iz grada, ima i na selima.

Zatvaram raspravu i dajem na glasanje,

ZAKLJUČAK

15.1. Usvaja se Izvještaj o realizaciji zbrinjavanja pasa lotalica sa finansijskim pokazateljima za 2020.godinu.

GLASALO ZA: Elvir Arnautović, Mirza Bradarić, Fikret Delić, Jasmin Đuhera, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Aida Bašić (A-SDA), Elvir Vehabović (NBL), Pero Mamić (HDZ),

GLASALO UZDRŽANO: Adis Abdurahmanović, Jasmin Begić, Mirsad Bejzić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

16. Izvještaj o održavanju i sanaciji javne rasvjete sa finansijskim pokazateljima;

Otvaram raspravu.

Zatvaram raspravu.

Načelnik općine Mirsad Mahmutagić, ovdje želim zbog javnosti i vijećnika, na prvoj tački dnevnog reda čuli smo nelegalna rasvjeta, nezadovoljstvo i dobijete Izvještaj u kojem sve lijepo piše i sad niko nema ništa. Toliko o ozbiljnosti.

Z A K L J U Č A K

16.1. Usvaja se Izvještaj o održavanju i sanaciji javne rasvjete sa finansijskim pokazateljima.

GLASALO ZA: Elvir Arnautović, Mirza Bradarić, Fikret Delić, Jasmin Đuhara, Firuz Galijašević, Mirza Mešić, Arif Mujkanović, Almin Smailović, Senad Šehić i Svjetlana Zamboni-Radovanović (SDP), Mustafa Bešić (SBB), Hajrudin Fermić (DF), Aida Bašić (A-SDA), Elvir Vehabović (NBL), Pero Mamić (HDZ),

GLASALO UZDRŽANO: Adis Abdurahmanović, Jasmin Begić, Mirsad Bežić, Safet Jašić, Eldis Kusur, Edin Osmić, Eldin Pehrat, Edin Salatović, Maid Suljaković (SDA).

17. Informacija o provedbi Odluke o dodjeli poslovnih prostorija udruženjima građana i humanitarnim organizacijama na teritoriji općine Maglaj;

Otvaram raspravu.

Zatvaram raspravu.

Z A K L J U Č A K

17.1. Prima se k znanju Informacija o provedbi Odluke o dodjeli poslovnih prostorija udruženjima građana i humanitarnim organizacijama na teritoriji općine Maglaj.

18. Informacija o radu boračkih udruženja sa finansijskim izvještajem o utrošku sredstava dodjeljenih iz Budžeta Općine Maglaj (kroz izvještaje o radu za 2020 i planove rada za 2021. godinu);

Vijećnik Eldis Kusur, Klub vijećnika smatra da sva udruženja treba da imaju jednak tretman. Ako je u Budžetu određen iznos za finansiranje udruženja, sva trebaju imati jednak tretman. Ovdje možete vidjeti da su neki dobijali manja, a neki veća sredstva. Sva udruženja osim JOB-a i Udruženja logoraša su kažnjena, a sva ostala su komotno dobijala sredstva za finansiranje svog rada. JOB i Udruženja logoraša nisu se složili sa nekim stavovima načelnika i Vijeća, pa su po nama kažnjeni, sad iz kojih razloga, mi to ne znamo. Mi smo tražili, kad je bio prijedlog Budžeta, mi smo tražili da se zna koliko koje udruženje dobija.

Vijećnik Fikret Delić, mislio sam da niko nije došao ispred udruženja i da nije niko došao, ja bih tražio da se skine ova tačka dnevnog reda. Da kažem u oči šta mislim. Ne mogu da vjerujem da ovdje ima vijećnika, da nisu pročitali materijal, da kažu treba povećati sredstva.

1000 KM, struja 1000 KM, obilježavanje 2000 KM, krećenje kancelarije. Ja sam kao vijećnik glasao za projekte svih udruženja, projekte treba finansirati, projekte realizovati, a ne krećenje. Onaj ko je bio na listi na Izborima ispred te stranke, ta ga stranka treba finansirati, a ne udruženje. Onaj ko je podržavao javno bilo kojeg vijećnika ili partiju. Tražite finansiranje. Nikad ne bi nikog povrijedio. Prošle godine sam rekao da su to boračka udruženja najveće zlo za Kanton i FBiH. Ja samo govorim istinu. Najveći ste neprijatelji. Ova sredstva strpate sebi u džepove i ja ću se truditi sljedeći Budžet da vas brišu sa toplih obroka, kafa itd. Ovo je najveća nepravda za boračku populaciju. Obilježe datum, uzmu dnevnicu i to je to. To treba prekinuti. Nisam protiv udruženja. Hajmo jedno osnovati i da svi zajedno radimo. Treba povećavati. Jedno valja drugo ne valja, ne valja nijedno. 90 % vijećnika mislite isto, bojite se, koga se bojite. Nemate se šta bojati. Recite istinu i samo istinu.

Vijećnik Eldis Kusr-replika, nisi me slušao kad sam govorio. Nisam rekao da treba udruženjima povećati, nego da se netransparentno ne trebaju davati sredstva koja su opredijeljena Budžetom. Bili ste u mandatu 2016-2020. godine, znate koliko je vaša ruka značila, što niste bili protiv i ne bi se, ukinula bi se sva udruženja, nego nisi. Treba biti dosljedan. To da su zlo, iznositi takve konstatacije. Treba se ponositi onim što smo prošli. Ovo povećanje, Budžet je ako jednom 500, daj i drugom. A ne jedno dobije 3000 KM, nego 500 KM. Ovo je Informacija, nadam se da su svi uredno podnijeli Izvještaj o utrošku sredstava, a to sad jesu li zlo, ne bi se složio s tom konstatacijom. Ni u jednom momentu nisam rekao povećati, nego transparentno. Bio si u većini, sad si u većini, evo izlobiraj.

Načelnik općine Mirsad Mahmutagić, možemo mi ovdje danima raspravljati o radu udruženja. Činjenica je da treba malo više informacija, kad je u pitanju izvještavanje, planiranje. Ja znam da je namjera vijećnika Delića dobra, isto što znamo da ima zloupotreba u udruženjima kako boračkim, tako i drugim. Činjenica je da udruženja postoje, rade svoje aktivnosti, a da li je trebalo biti jedno umjesto više, to je stvar rasprave. Sada je situacija takva kakva jeste. Imamo udruženja zadužena za različitu populaciju kad je u pitanju 1992-1995. godine. Ono što je u Izvještaju trebalo dublje analizirati jeste da nisu sva sredstva Općine, nego imaju članarine i sredstva sa drugih nivoa vlasti. Što se tiče Općine zadnjih nekoliko godina i dobijaju sredstva po projektu. Činjenica je da postoje i oni koji se vole više baviti politikom, nego udruženjem, borcima, vi to znate, ali zašto repliciram, moram. Kako da mi objasnite vijećniče Kusr povežete transparentan izvještaj o utrošku sa netransparentno dodijeljenim sredstvima. A da je neko dobio manje, neko manje radi, manje vodi računa o boračkoj populaciji, a više o politici. Nemam potrebe da budem advokat udruženjima, ako nađete tamo ručak i slično, znate da se za Dan šehida uvijek organizovalo druženje sa porodicama. Što se tiče ovog što sam maloprije rekao, imaju i svoju članarinu i akte, ali ako mislite da treba nešto dodatno sa organizacijama, razgovarat ćemo. Ja sam u dobrim odnosima sa organizacijama, ima onih koji neće da budu dobri s načelnikom, hoće sa strankama. Mislim da treba podržati udruženja, iako se možda trebalo svesti na jedno temeljno, ali nije tako je kako je. Dok se ne promijeni ništa treba ih podržati. Oni koji hoće raditi takve aktivnosti sa načelnikom, znaju da imaju moju podršku.

Vijećnik Fikret Delić-replika, samo da kažem koliko je moj glas vrijedio, cifru neću iznositi. Ja sam čovjek, pošten. Da je moj glas vrijedio ne bi oni bili sad tu. Ja sam jedini od 25 vijećnika bio protiv. Udruženja se ne mogu ukinuti, ali finansiranje mora. Ništa nemam protiv

ljiljana, ali koliko imamo, treba najmanje tri do pet. Kakav ljiljan. Nisu udruženja osnovana zbog boraca nego zbog svoje koristi.

Vijećnik Eldis Kusur-replika, meni je žao što me kolega pogrešno razumije. Ružna konstatacija, koliko ste Vi dobili, nisam ni rekao da ste dobili. Nego ste imali uticaj da glasate drugačije. Mi smo u Budžetu tražili da se sva udruženja napiše ko koliko dobijaju, da unaprijed se zna šta i kako.

Načelnik općine Mirsad Mahmutagić-replika, kratko ću. Dakle, sjetite se kad smo usvajali Budžet, stalno govorimo o transparentnosti, jel zahtjev da se sredstva dodjeljuju putem projekata, ne samo za boračka, mnogo i za sport, civilna, poljoprivredna. Imamo grupisano za boračka toliko, poljoprivreda toliko, sport toliko. Vi tražite da napišemo onom 5000 KM, onom 500 KM, to niko više ne radi.

Vijećnik Edin Salatović, i ja sam za smanjivanje broja udruženja, ali već u dodjelama prostora imamo 327, još jedno dodatno. Trend nije da smanjujemo, nego da povećavamo. Jeste da su mnogi od predsjednika svrstavali se u političke partije, koja je podržavala vlast u prethodnom periodu, svi predsjednici moraju biti vanstranačke ličnosti da bi funkcionalno radili.

Predsjedavajuća Svjetlana Zamboni-Radovanović, kada govorite transparentno, što ne govorite i o onima koji su podržavali one druge?

Vijećnik Edin Salatović, jesam, rekao sam da su predsjednici i jedan čak je bio predsjednik stranke, to je bilo otvoreno svrstavanje.

Vijećnik Arif Mujkanović, ne trebaju kolega, neka budu i stranke, ali neka priznaju legalno izabrane organe. Oni se moraju sastajati s načelnikom koji god da bude, moraju imati kontakt. Ja sam podržavao načelnika koji nije bio iz moje političke stranke. Samo da se ide putem projekata i to je to.

Vijećnik Mirza Mešić, Vi ste gospodine Kusur rekli da Općina nije osnivač udruženja, ali jeste finansijer. Ima jedan prijedlog zaključka, da se sredstva ne dodjeljuju dok se ne dostave FIA izvještaji prema Službi.

PAUZA.

Vijećnik Mirza Mešić, nakon konsultacije sa šefom Službe, prijedlog se povlači, jer dođu uglavnom finansijski izvještaji.

Zaključujem raspravu,

ZAKLJUČAK

18.1. Prima se k znanju Informacija o radu boračkih udruženja sa finansijskim izvještajem o utrošku sredstava dodjeljenih iz Budžeta Općine Maglaj (kroz izvještaje o radu za 2020. i planove rada za 2021.godinu);

Vijećnička pitanja i inicijative.

1. Vijećnik Firuz Galijašević-Na osnovu člana 53. Statuta Općine Maglaj („Službene novine Općine Maglaj“, broj:8/07, 3/08 i 6/08) pokrećem inicijativu za izmjenu Statuta Općine Maglaj. Izgleda da smo i mi jedna od onih općina koja bira članove Vijeća MZ-a na „staromodan“ način i bez volje čitavog stanovništva MZ-a, jer znamo da je skoro nemoguće okupiti 10% registrovanih birača, ne samo zbog „uspavanog“ stanovništva, nego i zbog

činjenice da se na biračkim spiskovima nalaze i mnoge osobe koje su se odselile u EU zajedno sa svojim porodicama i zbog trenutnog stanja izazvanog pandemijom korona virusa koje ne dozvoljava okupljanje na otvorenom prostoru u potrebnom broju punoljetnih članova MZ-a. Na primjer MZ Maglaj grad: u normalno vrijeme je nemoguće okupiti preko 550 punoljetnih članova i zbog potrebnog prostora za održavanje zbora MZ, a kamo li u vrijeme zabrane okupljanja. Jedini preostali, a demokratski način izbora članova Vijeća MZ-a i da je po volji naroda, stanovnika MZ-a, nalazi se u izmjeni člana 100. Statuta Općine Maglaj, koji glasi: Vijeće mjesne zajednice biraju građani sa područja mjesne zajednice koji imaju biračko pravo i prebivalište na teritoriji mjesne zajednice. Izbor članova Vijeća mjesne zajednice vrši se na Zboru građana u skladu sa Statutom mjesne zajednice. Mandat članova Vijeća mjesne zajednice traje četiri (4) godine. Za članove Vijeća mjesne zajednice mogu biti birani građani sa prebivalištem na području te mjesne zajednice, a upisani su u birački spisak te mjesne zajednice. Ostala pitanja o načinu i postupku izbora za članove Vijeća, uredit će se Statutom mjesne zajednice, u skladu sa ovim Statutom i odlukom o osnivanju mjesne zajednice.

PRIJEDLOG RJEŠENJA: Član 100. treba da glasi: Vijeće mjesne zajednice biraju građani sa područja mjesne zajednice koji imaju biračko pravo i prebivalište na teritoriji mjesne zajednice. Izbor članova Vijeća mjesne zajednice vršit će se na osnovu srazmjernog broja osvojenih glasova za Općinsko vijeće svake političke stranke odnosno nezavisnog kandidata na području mjesne zajednice. Mandat članova Vijeća mjesne zajednice traje četiri (4) godine. Za članove Vijeća mjesne zajednice mogu biti predloženi građani sa prebivalištem na području te mjesne zajednice, a upisani su u birački spisak te mjesne zajednice. Prijedlog kandidata za člana Vijeća mjesne zajednice podnose politički subjekti koji djeluju na području mjesne zajednice i to u roku od 60 dana od dana održanih izbora za Općinsko vijeće. Prilikom predlaganja i izbora članova Vijeća mjesne zajednice mora se voditi računa da sastav članova vijeća odražava približno nacionalnu strukturu stanovništva, te da spolovi budu ravnopravno zastupljeni.

2. Edin Salatović- Postavljam vijećničko pitanje, kada će doći do rekonstrukcije lokalnog puta Maglaj – Zavidovići. Naime, poslije svake zime dolazi do pojave dubokih rupa na tom putu. Kako je ovaj put sa najvećom frekvencijom saobraćaja na tome području, potrebno je hitno izvršiti sanaciju ovog puta na području gdje taj put prolazi kroz općinu Maglaj, kako bi sva naseljena mjesta imala prohodnu saobraćajnicu. Kako nisu potrebna velika sredstva, mislim da što prije treba pristupiti.

3. Vijećnik Mirza Mešić- Na osnovu člana 111., a u vezi sa članom 112. i 113. Poslovnika o radu Općinskog vijeća Maglaj, podnosim Vijećničku inicijativu. Inicijativa se odnosi na postavljanje fizičkih prepreka u vidu saksija/žardinjera za cvijeće na dijelu Ulice Aleja ljiljana. Navedeni problem se nalazi pored kafića „Ašk“ i iz suprotnog smjera pored stambenih objekata. Problem je što navedena dionica je zabranjena za saobraćaj vozila, ali upravo iz navedenih smjerova vozila dolaze i kreću se dijelom koji je namijenjen za pješake. Samim time ugrožavaju bezbjednost pješaka, a najviše djecu koja se igraju na igralištu preko puta kafića „Ašk“. U sklopu ove Inicijative iz sličnih razloga potrebno je postaviti saksije/žardinjere sa cvijećem također u Ulici Aleja ljiljana u blizini Prve osnovne škole tačnije kod prepreke za usporavanje saobraćaja na kolovozu ispred ulaza u stambeni objekat T-2. Razlog je u tome da određena grupa ne savjesnih vozača koja se kreću iz pravca kružnog toka ne kreću se kolovozom, nego se vozilom kreće trotoarom i samim time dovodi u opasnost pješake a najčešće djecu. Nadam se skorijem rješenju navedenog problema.

4. Vijećnik Mirza Mešić- Na osnovu člana 111., a u vezi sa članom 112. i 113. Poslovnika o radu Općinskog vijeća Maglaj, upućujem Vijećničko pitanje. Da li su izdate sve potrebne dozvole za poslove točenja naftnih derivata koji se već godinama toče/sipaju za potrebe samo jedne firme u Ulici 1. Marta na autobusnoj stanici? Kolika je količina (zapremina) tankera (cisterne koja je ukopana u zemlju) koji se nalazi uz samu zgradu autobusne stanice?

Godinama unazad na navedenoj lokaciji postoji točionik za gorivo koji koristi samo jedna firma sa područja općine Maglaj. Često smo svjedoci da se gorivo toči i dok je vozilo na javnoj površini sa upaljenim motorom i putnicima u vozilu. Važnija stvar je i opasnija jeste tanker/cisterna koja se nalazi u neposrednoj blizini zgrade autobusne stanice (na udaljenosti manjoj od 5 metara). Svi znamo da se na stanici svakodnevno nalazi na desetine djece i drugih putnika pa navedeni tanker/cisterna predstavlja potencijalnu opasnost za sve koji se kreću u blizini. Nadam se što skorijem odgovor.

5. Vijećnik Mustafa Bešić- ja bih se osvrnuo na Firuzovo pitanje. Nadovezao bih se. Statut MZ treba se riješiti podhitno. Imao sam neki dan sastanak u Službi. Nemamo Statute, imamo Nacrte, ne možemo djelovati. Mora se riješiti što hitnije, imamo neke stvari koje moramo riješiti, a ništa ne može.

6. Vijećnik Hajrudin Ferić- Da li planira i kada će to učiniti Služba za urbanizam, tačnije da sačini popis objekata na općini Maglaj koji sadrže građevinske materijale od azbesta i isti dostavi Federalnom fondu za zaštitu okoliša. Ukoliko to ne planira u skorije vrijeme, ovim putem iniciram kao vijećnik da se isto učini i spisak dostavi i vijećnicima Općinskog vijeća Maglaj na znanje. Napominjem da je Služba isto dužna uraditi prema Pravilniku o građevinskom otpadu („Službene novine Federacije BiH“, broj: 93). Član 35. (prelazne i završne odredbe) (1) Jedinica lokalne samouprave dužna je uputiti poziv putem sredstava javnog saopštenja ili na drugi odgovarajući način, vlasnicima odnosno korisnicima građevina u kojima se nalazi azbest i od njih pribaviti podatke o lokacijama na kojima se nalazi azbest na području te jedinice lokalne samouprave i dostaviti ih Fondu u roku od godinu dana od dana stupanja na snagu ovog Pravilnika.

7. Vijećnik Arif Mujkanović- Obzirom da se u zadnje vrijeme na društvenim mrežama pojavila sponzorirana stranica „Zaustavimo nelegalnu eksploataciju šljunka u Maglaju“, koja u velikoj mjeri kvari ugled općine Maglaj zbog dezinformacija, molim načelnika da nam usmeno iznese informacije vezano za ovu tematiku.

Zaključujem sjednicu Općinskog vijeća u 12:57 sati.

Zapisničar
Arnela Tumbić



PREDSJEDAVAJUĆA
Svjetlana Zamboni-Radovanović

